



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacri sacerdotij defensio co[n]tra Lutheru[m]

Fisher, John

Coloniæ, 1525

VD16 F 1240

IX Porro Matthæus cap. decimo quu[m] enumerasset duodecim apostolos,
illico subdit, hos numero duodecim emisit Iesus quibus pr[a]ecep[er]at,
dicens.

urn:nbn:de:hbz:466:1-30878

De sacra sacerdotij defensione cōtra Lutherū.

X

¶ Christus ipse dum hic in terris esset, pastores quosdam instituit, qui suarum ouium curā agerent, eosq; pascere, regere, & docere



REFERT Lucas cap. 6. Christū, posteaquā noctem integram precatus fuisset patrem, quum dies factus esset, uocasse discipulos suos, & ex ipsis elegisse duodecim, quos & apostolos nominauit. Hic aduerte lector quanta pręparatione & studio Christus hos apostolos delegerit, quū ante uoluisset in precatione iugi per noctare, q̄ eos in id muneris cooptasset.

Marcus uero capite tertio de his ita tradidit. Et ascendit Iesus in montem, & uocat ad se quos uoluit ipse, & uenerunt ad eum. Et fecit duodecim, ut essent secum, & ut emitteret eos ad prędicandum. Videre igitur ex his licet, apostolos istos magna diligentia fuisse delectos & institutos, eisq; officium pręcellentius & potestatem ampliorem fuisse commissam, q̄ cæteris Christi discipulis, id quod etiam axiomate quarto plenius ostendemus.

¶ Porro Matthæus cap. decimo quū enumerasset duodecim apostolos, illico subdit, hos numero duodecim emisit Iesus quibus preceperat, dicens. In uiam gentiū ne abieritis, & in ciuitatem Samaritanorum ne ingrediamini, sed ite potius ad oues perditas domus Israel. Profecti autem prędicare dicentes. Appropinquauit regnum cœlorum. Ecce curā his commisit ouium domus Israel, quas & doceri uoluit ab illis.

Iohannes autem & ipse capite sexto, memorat Christum ad hos dixisse, Nonne ego uos duodecim elegi? Et rursum capite. 15. Non uos me elegistis, sed ego elegi uos, & constitui uos, ut eatis & fructum afferatis, & fructus uester maneat. At quem precor fructum intelligit magis, q̄ salutem animarum pro qbus pascēdis, regēdis, docēdis, eosdē ap̄los instituit? Ne q̄ solū Iudeorū eis curā credidit, uerū etiā haud multo post & gentiū. Nā quū esset cœlos cōcensurus, mādauit eis, quatenus in orbem uniuersum profecti, docerent etiam oēs gentes quę admodū & Matthæus & Marc⁹ testant. Petrū ꝑo peculiari

VIII.

IX

Math. 28

Marc. 16

Iohan. 21

CONGRESSVS SECVNDVS,

Iohan. 21. quū eū tertio rogasset si se diligeret, ouium suarum instituit pa-
storē maximū. Sic eū Iohannes postremo capite refert. Quū
(inquit) prandissent, dicit Simoni Petro Iesus. Simon Iohan-
nis diligis me plus his? Dicit ei, Etiā dñe, tu scis q̄ amē te. Di-
cit ei, Pasce agnos meos, Dicit ei rursus, Simon Iohannis
diligis me? Ait illi, Etiā dñe, tu scis q̄ amem te. Dicit ei, Re-
ge oues meas. Dicit ei tertio. Simon Iohānis amas me? Dixit
q̄ ei. Dñe tu om̄ia nosti, tu scis q̄ amem te. Dicit ei Iesus. Pas-
ce oues meas. Dilucidū est ergo Christū hos duodecim pasto-
res instituisse, qui sui gregis curā agerent, neq̄ docerent solū,
uerū etiā regerent, & quū opus esset, corrigerēt. Alioqui nec
Paulus usus interim fuisset correctionis uirga, neq̄ Tito quē
Cretensibus præfecit, mādasset, ut quæ deessent pergeret cor-
rigere. Huius (inquit) rei gratia reliqui te in Creta, ut quæ de-
sunt pergas corrigere.

Tit. 1.
X

¶ Præter ap̄los aut̄ fuerunt & septuagintaduo discipuli p̄
dñm Iesum designati, quēadmodū scribit Lucas. Et hi ex reli-
qua discipuloꝝ turba selecti fuerant, quibus & magna præ cæ-
teris authoritas conferebat̄. Nā & illis iussu fuerat, ut sana-
rent infirmos, & ut in messe dominica laborarent, binique &
bini missi fuerāt in omnē ciuitatē & locū, quo fuerat Christus
iturus. Porro ciuitati quæ nō receperit eos cōminabat̄ Chris-
tus, ut cū Sodomitis in die tremendo remissius ageret̄, q̄ cum
illis. Qui uero spreuerit eos, perinde sibi futurū, atq̄ si Christū
spreuisset, & qui audierit, ueluti si Christū audisset. Sed & po-
testas eis super dæmonia, superq̄ serpentes & scorpiones, &
deniq̄ super omnē uirtutē inimici fuerat collata. Hæc scribit
Lucas cap. 10. Ex quibus apertū est, & istis fuisse traditā docē-
di potestatē simul & curam aliquam gregis, licet non parem
cum ap̄stlis duodecim. Perspicuū igit̄ ex his esse potest, duo
decim ap̄los, a septuaginta discipulis, hosq̄ pariter, a reliqua
discipuloꝝ turba, magno distasse interuallo. Neq̄ putādū est
uoluisse Christū, hanc inter suos ordinū uarietate pro tēpore
illo dūtaxat fieri, sed plane duraturā instituit, q̄ diū in terris es-
set ecclesia militatura, uti mox apertius dicturi sum⁹. Interea
cuius manifestū esse potest, nō abs re maiores nostros curasse

**Ap̄li & disci-
puli differunt**

**Ratio uarieta-
tis ordinum**